


醫宗金鑑

外科心法要訣



內 容 簡 介

本書是「**医宗金鑑**」的一部分，原書卷次是六十一卷至七十六卷（原書共九十卷）。「**医宗金鑑**」刊行於清、乾隆四年（公元一七三九年），是当时政府編輯的医学叢書。

本書共有十六卷。第一部分是總論，先述「十二經絡」，次叙「癰疽」的診斷綱要，並各種外科的治療原則。第二部分專論各種外科處方，包括有內服、塗敷、洗滌……等方法，並在外治處方中採用麻醉藥和腐蝕藥。第三部分是各論，根據人體部位分述各種外科疾患，並對每一病症各附人身圖形，標明患處，然後分述病源、症狀及治療方法等。第四部分為雜証，內容有跌打損傷、蛇虫螫毒，以及嬰兒特有的各種外科病症。因此本書是一本較為全面的**中医外科書**。又因圖文對照，歌訣體裁，使人易於明瞭，便於誦記，對初學**中医者**，這是一本很好的讀物。

御纂醫宗金鑑卷六十一

編輯外科心法要訣目錄

人身經絡圖歌

脈訣歌

十二經氣血多少歌

癰疽總論歌

癰疽陽證歌

癰疽陰證歌

癰疽半陰半陽歌

癰疽五善歌

癰疽七惡歌

癰疽順證歌

癰疽逆證歌

癰疽辨腫歌

癰疽辨痛歌

癰疽辨膿歌

癰疽辨癢歌

癰疽辨暈歌

癰疽總論治法歌

內消治法歌

內托治法歌

虛實治法歌

癰疽鍼法歌

癰疽砭法歌

癰疽灸法歌

隔蒜灸
附子餅灸
黃蠟灸
麥冬梗米飲

癰疽烙法歌

神燈照法歌

桑柴火烘法歌

牛膠蒸法歌

藥筒拔法歌

御纂醫宗金鑑卷六十一

編輯外科心法要訣

十二經循行部位歌

手之三陽手外頭。手之三陰胸內手。足之三陽頭外足。足之三陰足內走。

註

手之三陽手外頭者。謂手陽明大腸經從手

次指內側之端。上行手臂外之上行。

音杭

至頭

鼻孔兩旁也。手少陽三焦經。從手四指外側

之端。上行手臂外之中行。至頭耳前動脈也。

手太陽小腸經。從手小指外側之端。上行手

臂外之下行。至頭耳中珠子也。手之三陰胸

內手者。謂手太陰肺經。從胸乳上循行膺內。

下行肘臂內之上行。至手大指內側之端也。

手厥陰心包絡經。從腋乳下乳外。循行膺內。下

行肘臂內之中行。至手中指之端也。手少陰

心經。從腋筋間循行膺外。下行肘臂內之下

行。至手小指內側之端也。足之三陽頭外足

者。謂足陽明胃經。從頭目下循頰頸乳中。下

行腹外股膝跗之前行。至足二指之端也。足

少陽膽經。從頭目外眥。循行繞耳顙巔。下行

脇跨膝跗之中行。至足四指外側之端也。足

太陽膀胱經。從頭目內眥。循行額巔項背。外

行臂臑膕踝之後行。至足小指外側之端也。

足之三陰足內走者。謂足厥陰肝經。從足大

指外側之端。循行前行上內踝上膕膕膝之

中行。內行陰器腹脇之外行。上至乳下也。足

太陰脾經。從足大指內側之端。循行內踝膝


裏股內之中行。上行腹中至季脇也。足少陰

腎經。從足心循行內踝足跟內側之後行。上

腹內至膈也。諸陽行外。諸陰行裏。四肢背腹

皆如此也。

頭 前 正 面 圖




頭前正面歌

頭督唇任五中行。皆傍足太顙手陽。側上足少繞耳手。鼻傍手明唇足方。

註頭之正面分五行。音杭其中行上嘴唇以上屬

督脈。下嘴唇以下屬任脈。此爲中行也。其第二行。目內眥旁上屬足太陽經。鼻旁下屬手陽明經。此爲第二行也。其第四行。面顙骨外旁。屬手太陽經。頭側上屬足少陽經。繞耳前後。屬手少陽經。此爲第四行也。其第三行唇旁。屬足陽明經。爲第三行也。


頭 後 項 頸 圖



頭後項頸歌

頭後七行督中行。惟二足太足少陽。頸前任中二足明。三手四行手太陽。五足少陽六是手。七足太陽督中行。


註 頭後項頸分七行。其中行屬督脈。惟兩旁第二行屬足太陽經。其餘第三行四行五行皆屬足少陽經。頸前中行屬任脈。二行屬足陽明經。三行屬手陽明經。四行屬手太陽經。五行屬足少陽經。六行屬手少陽經。七行屬足太陽經。項後中行屬督脈經也。



脊

背

圖




胸腹脊背歌

胸腹二行足少陰。三足陽明四太陰。五足厥陰六少陽。脊背二三足太陽。

註

胸腹之中行屬任脈兩旁第二行屬足少陰
腎經。第三行屬足陽明胃經。第四行屬足太
陰脾經。乳下脇上第五行屬足厥陰肝經。脇
後第六行屬足少陽膽經。脊外兩旁二行三
行俱屬足太陽膀胱經。脊之中行屬督脈經。

手 體 臂 外 圖



手 臂 內 圖



手髀臂外內歌

手髀臂外上手明。中手少陽下太陽。手髀臂內上

中下。手太厥少分三行。

註

手髀臂之外面。係手三陽經部位也。上行屬


手陽明經。中行屬手少陽經。下行屬手太陽

經。手髀臂之內面。係手三陰經部位也。上行


屬手太陰經。中行屬手厥陰經。下行屬手少

陰經。

足 膝 外 圖



足 膝 內 圖



足膝外內歌

足膝外前足陽明。中行少陽後太陽。足膝之內前中後。足厥太少分三行。

註

足膝之外面。係足三陽經部位也。前行屬足陽明經。中行屬足少陽經。後行屬足太陽經。足膝之內面。係足三陰經部位也。足大指外側之前行。股內之中行。屬足厥陰經。內側之中行。股內之前行。屬足太陰經。足心繞踝之後行。屬足少陰經。

手太陰肺經圖



肺經歌

太陰肺經起乳上。系橫出腋肱中廉。達肘循臂入寸口。上魚大指內側邊。

註

手太陰肺經。起於乳上三肋端。去中行旁開六寸。腋前外灣。而至臍間。由臍中廉達肘內。循臂裏。過前廉。入寸口。上魚際。終於手大指內側。去爪甲角如韭葉。

手陽明大腸經圖

